

Ming Großeldere däten jo met kölschem Akzent schwaade. Ming Eldere och, ävver se han immer hin un widder ens ene Satz op Kölsch erengefröbelt. Dat sin dann die Saache, die hänge geblewe sin.

Dann krächte mer irgendwie Schallplaat met kölscher Musik geschenk. Dat woren jetz noch nit de Bläck Fööss, die dat Ganze nohher üverschwemmp han, sondern dat woren dann die Aale oder wie mer se nenne mag, su der Toni Steingass un der Karl Berbuer.

Do gitt et nämlich och noch e klein Geschichche drüvver. Der Schwoger vun mingem Vatter, däm sing Eldere, dat woren su de Stiefeldere, dat dät dä Vatter do verzälle, denn dat wor der Pitter Brucks. Dä wor der Pianiss vum Karl Berbuer. Dä lävte domols jo noch. Dat wor dann immer schön. Om Fastelovendsdinsdag si' mer dann immer noh Müllem der Zog luure un hingerher bei Brucks. Dä dät sich dann hingerher an e Klavier setze un dann halt Karl Berbuer-Leeder spille.

Un wat wirklich schön wor, dä hatt en riesengroße Kess met Karnevalsorde, weil dä wor jo op jeder Sitzung, wo die spillten, do krächten die ne Orden. Die hatt dä all en ner große Kess un mir Pänz, mer durften dann domet spille.

### Neumann, Jürgen (59): *Der Pianiss vum Karl Berbuer*

miŋ 'jʁʊ:sʔeldəʁə dɛ:tən jo met kœlfəm ʔak'sɛnt ʃva:də miŋ ʔeldəʁə ʔox ʔɛvɐ zə han ʔime hin ʔʊn vidɐʁ\_ɛnz\_ɛnə zats ʔop kœlf ʔœkɛnjɛfʁø:ntʃə ʔʊn dat sin dan di za:xə di hɛŋə jɛblevə zin ʔʊn dan bɛkɔ:mə mɛ 'ʔœkɛntvi 'ʃalpla:tə met kœlfɛ 'mʊzɪk jɛʃɛŋk dat fœn jɛʃʃ nɔ nit:ə blɛk fœ:s nɛ di dat jantʃə na'hɛ ʔøvɛ'ʃvɛm'p han zɔnd:at vɔ:vən dan halt:i ʔa:lə ʔodɐ vi mɛ zə nɛnə ma:x so: 'to:ni 'ʃtɔɪnjas ʔʊn kaʁl bɛ'by:ɔ da jɪd\_ɛt nɛmɪʃ ʔox nœ\_ɛn klɛ:n jɛʃɪʃjə dɛvɛvɐ dat vɔɔ dɛ ʃvɔ:və fʊn miŋəm fatɐ dɛm ziŋ ʔeldəʁə dat vɔ:vən zo di 'ʃti:fʔeldəʁə dad:ɛd:ɛ fatɐ dɔ dɛn dat vɔɔ dɛ pɪtɐ bʁʊks ʔʊn dɛɔ vɔ dɛ piʃa'nɪs fʊm kaʁl bɛɔ'by:ɔ nɛ ʔʊn dɛ lɛ:ftə 'dɔ:mɔls ja nœ nɛ\_ʊnt dat vɔɔ dan ʔime ʃø:n ʔop fastə,lɔ:vɛntʃ'dɪnsta si mɛ dan ʔime nɔ mɪlɛm dɛ tʃox lʊɔʁə ʔʊn hiŋɐ'hɛɔ baɪ bʁʊks ʔʊn dɛ dɛ:t siʃ dan 'hiŋɐhɛɔ ʔan\_ɛ kla'vi:ɔ zɛʃʃə ʔʊn dan halt kaʁl bɛ'by:ɔ li:dɐ ʃpɪlɐ nɛ ʔʊn vat vɛkɪʃ:ø:n vɔɔ dɛ hat ʔɛn 'vi:zɛnʃbɔ:sə kes met 'kœrnɔvɔls,ʔœdɐ nɛ vɛɪl dɛ vɔ jo ʔop jɛ:dɐ 'ziʃʃʊŋ vɔ di ʃpɪltɛn da bɛkɔ:mɛn di nɛ ʔœdɛn:ə ʔʊn di hat:ɛ ʔal\_ɛn:ɐ jʁɔ:sə kes ʔʊ\_mɪɔ pɛntʃ mɛɔ dʊʁftɛn dan 'dɔmɛt ʃpɪlɛn